



Inatsisartunut ilaasortaq Justus Hansen

Asasara Justus Hansen

12. september 2011
Sags.nr. 2011-054838
Dok.nr. 715618

Inatsisartut ingerlatsinermut maleruagassaannik § 37 tunngavigalugu Naalakkersuisunut makkunannga apeqquteqarputit:

"Inuussutissanik nioqqutissanik ullunik tunineqarfissaannik qaangiinikunik nioqquteqarsinnaanermik akuersissuteqarnissamut Naalakkersuisut qanoq eqqarsaatersuuteqarpat"

Soorunami nioqqutissat inuussutissat nioqqutigineqarsinnaanermikkut ulluisigut killiliigaasut tunineqarnissamikkut ullunik killiliussanik qaangiinikunik nioqqutigissallugit usserrartorsiornartutut isikkoqarsinnaavoq. Kisiannili piunissamut ullussanik killiliussanik qaangiinikunik nioqqutigineqarnissaannut akuersissuteqarnissaq eqqarsarnartoqarpoq.

Siullermik nioqqutissap nioqqutigineqarnissaanut ulloq killiliussaq nioqqutissiortumit ikkunneqarnikuvoq, tassa nioqqutissap tunineqarnermini pitsaassutsikkut pissusissaatut ittuunissaanik qulakkerinninnissaq siunertaralugu.

Aappassaanik nioqqutissap kingusinnerpaamik tunineqarnissaanut ulluliussap kingornatigut piffissani qanoq sivistigisumi nioqqutigineqarnissaa pissanersoq aammalu nioqqutissap peqqisutsimut ajoqutaannginnissaa qanoq uppersarnarseqassanersoq. Tamanna pisisartut nalilersussallugu ajornartorsiutigissavaat, pingaartumik nioqqutissanut inuussutissanut tunngatillugu, tassa nerisassat killiussatut ulluisa qaangerneqarneri sivilaarpata nerineqarnermikkut ilaatigut toqunartunissinnaasarmata.

Pingajussaanik ileqqut malillugit nioqqutissat tuneriikkat peqqisutsikkut ajoqutaannginnissaat niuvertumit akisussaaffigineqarmat, akisussaaffik tamanna aalajangersimasumut akisussaaffigitinneqanngikkaluarpoq, kisiannili nalinginnaavoq niuvertup nioqqutissat

Kiisalu atuisartup tungaaniit isigalugu pitsaanerpaassaaq niuvertup nioqqutissap tunineqarnissaanut killiliussatut ulluliussaq qaangiutsinnagu tuniniarlugu qanoq iliuuseqarnissaa, soorlu akikilliliinikkut allatigullu.

Atuisartunut Siunnersuisoqatigiit allattoqarfiata uumasut nakorsaannik suleqateqarnermigut misilittakkatigut paasisimavaa suliffiit nioqqutissanik, inuussutissanik suliaqartartut misissuiffigineqartartut ilarpassuisa inatsisit atuuttut malinnissaat ajornartorsiutigisaraat, tassa nerisassat nioqqutissat inissisimatinneqarnerannut kiisalu nerisassat tunineqarnissaannut ullulernerisigut killilikkat quersuarmitinnerini aqutsinikkut ajornartorsiuteqartut. Akuttunngitsimik nioqqutissat inuussutissat kukkusumik uninngasuutigineqartartut imaluunniit ajoqusernikut (soorlu assersuutigalugu qerititsiviit nillingippallaarnerisigut, qillertuusat pullannikut singarnikullu, nioqqutissat poortuutai aseqqukut) naammattoorneqartarput. Nioqqutissat kukkusumik uninngasuutigineqartarneri tunngavigalugit nioqqutissat pitsaasutsikkut, piusinnaanerisigullu appariartissinnaavaat, Taavalu niuvertut inuussutissanik kingusinnerpaamik tunineqarsinnaaneritut ulluliussanik qaangeereernikunik nioqquteqallernissat akuerineqaraluarpat atuisartut nioqqutissanik inuussutissanik pitsaasunik pisiassaqartinneqarnissaannut qulakkeerinninnerunavianngilaq

Tamatumali tungaatigut allannguisoqassagaluarpas minnerpaamik nioqqutissanik inuussutissanik tamanik minguitsumik ingerlatsinissamut suliaqarnissamullu inatsisitigut piumasarisamut pinngitsooranik ilinniarsimasuunissamik piunasaqaateqartoqartariaqarpoq.

Taamaattumillu Naalakkersuisut isumaqarput nioqqutissat inuussutissat "kingusinnerpaamik tunineqarfissaa"-nnik qaangiinikkut nioqqutiginissat ajornartorsiutinik pilersitissasut. Naggataatigullu oqaatigissavara sullivimmik ingerlatsisup suliffiutaa isorliunerusumi sivisuumillu sikusartumi inissisimasumut .immikkut ittumik akuersissuteqarfigineqarnissamik qinnuteqarnissaq periarfissaqarmat,

Inussiarnersumik inuulluaqqusilluta

Med venlig hilsen



Ove Karl Berthelsen